

Arco Iris, Coral Gift Shop, Shalimar Palace y La Linda di muher ta pa pasado.....

ATCO ta saca intacto caha fuerte di La Linda durante bashamento



Juní Geerman di DOW papiando cu' Pablo Peasch hefe na ATCO despues cu ya caba e decision a cay unda lo benta e sushedad y resto di loke cu a kima.



Peasch cu ta e persona cu ta coordina e trabao pa ATCO y el a splica nos cu e lo dura un ocho dia prome cu caba cu e trabao completo cuminsando for di 6:30 tur mainta y sigui te cu anochi.

Un total di 12 persona ta involvi den e trabaonan aki y natralmente un di e persona nan aki ta solamente pa

atende cu e seguridad durante e trabao.

Durante presencia di DIARIO a tuma nota cu e caha fuerte tabata ser saca intacto pa e personal di ATCO a peticion di doñonan di La Linda.

Pa loke ta henter e restonan cu a keda despues di e

candela mester remarca cu no por a keda cla primeramente unda lo benta esakinan.

Despues cu a cuminsa diasabra a bin haya o.k. pa benta e restonan di construccion na DUMP Jaburibari y e demas sushedad por a bay DUMP na Parkietenbos.



Sacando e caha fuerte di La Linda.



ORANJESTAD(AAN):Man era tabata stipula e trabaonan pa basha e restonan di e candela cu a caba cu varios negoshi entrenan La Linda di hende muher na Playa a cuminsa.

Negoshinan cu un trayectoria largo den nos caya principal.

Un candela cu nunca hende

a spera a pone un fin na e negoshinan aki unda varios persona a keda sin trabao.

E trabaonan pa kita loke cu a resta a cuminsa diasabra caminda tur rond eybanda ta sera y no ta permiti auto pa asina e trucknan y tambe ekipo pisa por haci nan trabao debidamente.

Nos a combersa cu Pablo